

四庫全書

史部

欽定四庫全書

欽定熱河志卷十四

巡典二

四十一年六月己未

上奉

皇太后啟蹕巡幸塞外丙寅出古北口閏六月甲午

駐蹕熱河下營七月壬子

上自熱河

啟鑾行圍八月戊子

駐蹕都呼岱昂阿翁牛特郡王班第來朝

上以班第所居地舊名

營谷不佳因

賜名巴顏誇勒錐圖

甲辰入古北口戊申

上奉

皇太后迴宮

四十二年五月己巳

上啟蹕巡幸塞外六月丁丑出古北口己亥

駐蹕喀喇河屯癸卯入古北口七月乙巳朔

上迴宮

是月庚戌

上啟蹕再幸塞外癸丑出古北口丁卯

駐蹕熱河上營甲子

幸湯泉丁卯

迴駐熱河上營辛未

上自熱河

啟鑾行圍八月甲午

金史紀事本末卷十四
卷十四
迴駐土城丁酉

賜來朝喀喇沁翁牛特敖漢奈曼扎嚕特烏珠穆沁浩齊
特蘓尼特喀爾喀諸王貝勒貝子公額駙台吉等
銀幣鞍馬及隨圍喀喇沁官兵銀幣有差九月辛
酉入古北口甲子

上迴宮

四十三年六月乙亥

上啟蹕巡幸塞外壬午出古北口壬辰

駐蹕喀喇河屯七月壬寅

上幸樺榆溝辛亥

迴駐喀喇河屯乙卯

上御行宮門

親灑

宸翰扈從大學士翰林等侍

上曰朕自幼好臨池每日寫千餘字從無間斷凡古人之墨蹟石刻無不細心臨摹積今三十餘年實亦性之所

好即朕清書亦素敏速從無錯悞凡批答督撫摺子及
硃筆上諭皆朕親書並不起稿其事之稍有關係者雖
歲月經久亦不遺忘故批發之旨俱存所司朕處全無

底稿也

時扈從大學士翰林等奏
外 幾餘游藝惟射與書

皇上巡幸塞

神射發無不中伏懇
賜仰瞻 上允所請

御書時並

御行宮門大

小字頃刻數十紙諸
臣聚觀無不驚喜

丙辰

駐蹕熱河上營八月乙亥

上自喀喇河屯

啟鑿行圍癸巳

駐蹕英必喇南岸甲午翁牛特郡王額駙倉津等進宴
賜倉津及所屬官兵銀幣有差九月辛亥

駐蹕汗特穆爾達巴罕昂阿

賜來朝科爾沁翁牛特巴林土默特敖漢奈曼阿魯科爾
沁克什克騰烏珠穆沁浩齊特阿巴噶蘊尼特諸
王貝勒貝子公台吉等衣服銀幣鞍馬及隨圍喀
喇沁官兵銀緞布匹有差巳未入古北口癸亥

上迴宮

四十四年五月丙戌

上啟蹕巡幸塞外庚寅出古北口六月丙辰

駐蹕熱河上營七月乙亥

駐蹕喀喇河屯巳卯

上自喀喇河屯

啟鑿行圍八月丁巳

駐蹕固爾班庫德哩

賜來朝科爾沁喀喇沁翁牛特土默特敖漢奈曼阿魯科
爾沁烏珠穆沁阿巴噶阿巴給納爾蘇尼特四子
部落鄂爾多斯喀爾喀諸王貝勒貝子公額駙台
吉等銀幣鞍馬及隨圍喀喇沁官兵銀緞布匹有
差已未

迴駐博羅河屯庚申

上自博羅河屯啟行

閱各處孳生牧羣及左翼四旗察哈爾等生計已已入張

家口九月丙子

上迴暢春園

四十五年五月戊寅

上啟蹕巡幸塞外乙酉出古北口七月庚申

駐蹕熱河上營庚午

駐蹕喀喇河屯庚辰

上自喀喇河屯

啟鑿行圍壬午

駐蹕拉們噶山

命天津總兵官師懿德宣化總兵官康泰等校射

賜三等侍衛哈達納護軍校金保住等衣各一襲癸巳

辛巴顏誇勒錐圖

是日翁牛特諸台吉及衆蒙古列跪道左奏言臣等翁牛特地方生計素艱蒙

皇上遣官訓以謀生禁止盜賊又加養育賜尊生牛羊臣等俱各得所今公主下嫁

郡王倉津又蒙榮無此合詞迎

聖駕親臨光駕歡聲動地 丙午

駐蹕趙和洛

命大學士會同內務府總管議建喀喇河屯駐防官兵營

房

因兵部奏官兵營房議令古北口提督設法建

造 上以提督設法必至扣餉累兵故有

是

命 九月戊辰

迴駐拉們噶山

賜來朝科爾沁喀喇沁翁牛特巴林土默特奈曼烏珠穆

沁阿巴噶蘇尼特喀爾喀諸王公額駙台吉等衣

緞及隨圍喀喇沁官兵銀幣有差已已

迴駐喀喇河屯甲戌入古北口已卯

上迴暢春園

是年十一月甲戌

上啟蹕恭謁

孝陵再幸熱河甲申出喜峯口十二月戊子行圍殪虎

駐蹕三道河己丑行圍殪虎

駐蹕中六溝庚寅行圍殪虎

駐蹕二溝壬辰行圍殪虎

駐蹕黃土坎癸巳行圍殪豹

駐蹕熱上營甲午行圍殪虎

金史 卷十四
駐蹕喀喇河屯丁酉行圍殪豹二

駐蹕恩額穆噶山戊戌行圍殪虎一豹一

駐蹕三岔口己亥入古北口壬寅

上迴宮

四十六年六月丁亥

上啟蹕巡幸塞外庚寅出古北口七月壬子

駐蹕熱河上營壬戌

駐蹕喀喇河屯丁卯

上自喀喇河屯啟行巡視諸蒙古地方

賜來朝科爾沁郭爾羅斯都爾伯特扎賚特翁牛特巴林

土默特教漢阿魯科爾沁烏珠穆沁浩齊特阿巴

噶阿巴給納爾蘇尼特四子部落烏喇特鄂爾多

斯喀爾喀諸王貝勒貝子公額駙台吉等衣緞有

差十月乙酉

駐蹕拜牲台蒙古王公台吉等各率所部進獻馬駝

上却之衆頓首固請

奏言臣等祖父以來數世受
聖主隆恩撫恤恭養俾各得所及臣

等遭噶爾丹之變父母兄弟妻子不能相保蒙

皇上軫念

特遣大臣收養離散人口

又頒賞銀米布帛牲畜使永立生業救之

播種比年馬匹蕃滋衣食豐足高厚之恩

萬難仰報今聖駕巡視邊塞臣等進獻生

息之物倘蒙收納則仰沐洪福嗣後馬匹

愈加著

奏入

盛矣

諭曰朕今教養爾等人皆富庶物盡蕃滋爾等竭誠進獻

朕心嘉悅即與收納無異嗣後爾等其益勤生計圖維

滋息始副朕愛養至意庚寅

迴駐熱河上營乙未入古北口戊戌

上迴宮

四十七年五月丙戌

上啟蹕巡幸塞外巳丑出古北口六月丁未至熱河行宮

七月壬辰

駐蹕喀喇河屯乙未自喀喇河屯

啟鑾行圍九月壬午

迴駐喀喇河屯乙酉入古北口乙丑

上迴宮

四十八年四月丁卯

上啟蹕巡幸塞外庚午出古北口五月甲戌至熱河行宮

辛巳

幸上板城壬午

迴駐熱河行宮丙戌

幸上板城戊子

迴駐熱河行宮六月癸卯

駐蹕喀喇河屯乙巳

迴駐熱河行宮七月戊戌自熱河

啟鑿行圍九月丙子

迴駐博羅河屯

賜來朝科爾沁郭爾羅斯扎賚特土默特敖漢奈曼扎魯

特阿魯科爾沁烏珠穆沁浩齊特阿巴噶阿巴哈

納爾蘇尼特四子部落鄂爾多斯喀爾喀厄魯特

諸王貝勒貝子公額駙台吉等冠服銀幣及隨圍

蒙古官兵銀布有差戊寅

迴駐熱河行宮甲申自熱河

迴鑿丁亥入古北口庚寅

上迴暢春園

四十九年五月乙丑

上啟蹕巡幸塞外戊辰出古北口癸酉

駐蹕樺榆溝

閱吉林黑龍江官兵射丁丑至熱河行宮

命內侍侍衛等恭請

皇太后避暑塞外六月乙未朔

命諸王子恭迎

皇太后駕於王家營丁酉

上自熱河行宮至樺榆溝恭迎

皇太后駕戊戌

上奉

皇太后駕至喀喇河屯是日

上先行至熱河行宮己亥

皇太后駕至熱河行宮七月甲寅

上自熱河

啟鑾行圍八月甲申

迴駐博羅河屯

賜來朝科爾沁喀喇沁翁牛特巴林土默特阿魯科爾沁

烏珠穆沁阿巴噶阿巴哈納爾蘓尼特鄂爾多斯

喀爾喀諸王貝勒貝子公台吉等銀幣鞍馬及隨

圍蒙古官兵銀布有差丙戌

迴駐熱河行宮九月甲午

上奉

皇太后自熱河

迴鑾戊戌入古北口辛丑

上奉

皇太后迴暢春園

是年十一月乙巳

上啟蹕恭謁

孝陵再幸熱河戊午出喜峯口庚午至熱河行宮

賜隨圍蒙古官兵銀布有差壬申自熱河

迴鑾乙亥入古北口戊寅

上迴暢春園

五十年四月庚辰

上奉

皇太后啟蹕巡幸塞外丙戌出古北口五月己丑至熱河

行宮七月丙辰

上自熱河

啟鑾行圍九月己丑

迴駐博羅河屯

賜來朝科爾沁喀喇沁翁牛特扎魯特烏珠穆沁浩齊特
阿巴噶阿巴哈納爾蘇尼特烏喇特鄂爾多斯喀
爾喀厄魯特諸王貝勒貝子公額駙台吉等銀幣
鞍馬有差庚寅

駐蹕中關

賜隨圍蒙古官兵銀布有差辛卯

迴駐熱河行宮辛丑

上奉

皇太后自熱河

迴鑾乙巳入古北口戊申

上奉

皇太后迴暢春園

是年十一月辛丑

上啟蹕恭謁

孝陵再幸熱河辛亥出喜峯口十二月乙丑至熱河行宮

丁卯

上自熱河

迴鑾庚午入古北口癸酉

上迴宮

五十一年四月丙子

上奉

皇太后啟蹕巡幸塞外己卯出古北口壬午至熱河行宮

五月壬辰

上自熱河幸湯泉丁酉

迴駐熱河行宮八月癸丑

上自熱河

啟鑾行圍九月庚寅

駐蹕納木桑扎塞

賜來朝科爾沁喀喇沁翁牛特巴林土默特敖漢扎魯特

阿魯科爾沁烏珠穆沁浩齊特阿巴噶蘇尼特鄂爾多斯喀爾喀厄魯特青海哈密諸王貝勒貝子公額駙台吉等銀幣鞍馬及隨圍蒙古官兵銀布有差癸巳

迴駐熱河行宮壬寅

上奉

皇太后自熱河

迴鑾丁未入古北口庚戌

上奉

皇太后迴暢春園

是年十一月甲辰

上啟蹕恭謁

孝陵再幸熱河十二月壬子

駕出喜峯口丙寅至熱河行宮

賜科爾沁翁牛特諸王貝勒貝子公台吉等銀幣鞍馬及

隨圍蒙古官兵銀兩有差戊辰

上自熱河

迴鑾辛未入古北口甲戌

上迴宮

五十二年五月丙戌

上奉

皇太后啟蹕巡幸塞外己丑出古北口壬申至熱河行宮

閏五月乙卯

賜熱河耆老銀兩有差己未

上自熱河幸湯泉甲子

迴駐熱河行宮七月丙寅

上自熱河

啟鑾行圍九月己酉

迴駐博羅河屯

賜來朝科爾沁喀喇沁翁牛特巴林敖漢奈曼阿嚕科爾
沁克什克騰烏珠穆沁阿巴噶阿巴哈納爾蘓尼
特鄂爾多斯喀爾喀厄魯特諸王貝勒貝子公台

吉等冠服銀幣鞍馬及隨圍蒙古官兵銀布有差

辛亥

迴駐熱河行宮丁巳

上奉

皇太后自熱河

迴鑾辛酉入古北口甲子

上奉

皇太后迴暢春園

是年十一月丁巳

上啟蹕恭謁

孝陵再幸熱河戊辰出喜峯口十二月甲申至熱河行宮

丙戌

上自熱河

迴鑾己丑入古北口壬辰

上迴暢春園

五十三年四月辛卯

上奉

皇太后啟蹕巡幸塞外戊戌出古北口五月辛丑朔至熱

河行宮七月丙午

上自熱河幸湯泉壬子

迴駐熱河行宮八月乙亥

上自熱河

啟鑿行圍九月壬子

迴駐熱河行宮乙卯

賜來朝科爾沁扎賚特喀喇沁翁牛特巴林土默特敖漢
克什克騰烏珠穆沁阿巴哈納爾浩齊特蘓尼特
喀爾喀厄魯特諸王貝勒貝子公額駙台吉等銀
幣鞍馬及隨圍蒙古官兵銀布有差戊午

上奉

皇太后自熱河

迴鑾壬戌入古北口丙寅

上奉

皇太后迴暢春園

是年十一月丙辰

上啟蹕再幸塞外辛酉出古北口十二月癸酉

駐蹕卜克

賜隨圍蒙古官兵銀幣有差辛巳

迴駐熱河行宮癸未

上自熱河

迴鑾丙戌入古北口巳丑

上迴暢春園

五十四年四月辛卯

上奉

皇太后啟蹕巡幸塞外五月丙申朔出古北口己亥至熱

河行宮八月癸酉

上自熱河

啟鑾行圍九月戊申

迴駐博羅河屯

賜來朝科爾沁喀喇沁翁牛特土默特敖漢扎魯特阿魯
科爾沁烏珠穆沁浩齊特阿巴噶喀爾喀諸王貝
勒貝子公台吉等銀幣鞍馬及隨圍蒙古官兵銀
布有差庚戌

迴駐熱河行宮十月壬申

上奉

皇太后自熱河

迴鑾丙子入古北口辛巳

上奉

皇太后迴暢春園

五十五年四月癸卯

上奉

皇太后啟蹕巡幸塞外巳酉出古北口乙卯至熱河行宮

六月辛丑以熱河雨澤未足

命齋戒祈雨傳

諭禮部京城一體祈禱丙辰

上自熱河幸湯泉七月辛酉

迴駐熱河行宮癸未

上自熱河

啟鑾行圍九月己未

迴駐博羅河屯

賜來朝科爾沁郭爾羅斯喀喇沁翁牛特土默特教漢奈

曼阿魯科爾沁烏珠穆沁浩齊特阿巴噶喀爾喀

諸王貝勒貝子公台吉等銀幣鞍馬及隨圍蒙古

官兵銀布有差壬戌

迴駐熱河行宮壬申

上奉

皇太后自熱河

迴鑾丙辰入古北口甲申

上奉

皇太后迴暢春園

是年十一月戊辰

上啟蹕恭謁

孝陵再幸熱河辛巳出喜峯口十二月庚子至熱河行宮

壬寅

上自熱河

迴鑾乙巳入古北口己酉

上迴暢春園

五十六年四月辛丑

上奉

皇太后啟蹕巡幸塞外戊申出古北口壬子至熱河行宮

五月乙未

上自熱河幸湯泉庚申

迴駐熱河行宮八月壬午朔

上自熱河

啟鑾行圍九月癸亥

駐蹕扎哈烏里雅蘓台

賜來朝科爾沁郭爾羅斯都爾伯特喀喇沁翁牛特巴林

土默特教漢奈曼扎魯特烏珠穆沁阿巴噶蘓尼
特鄂爾多斯喀爾喀諸王貝勒貝子公台吉等銀
幣鞍馬及隨圍蒙古官兵銀布有差已已

迴駐熱河行宮十月己丑

上奉

皇太后自熱河

迴鑾甲午入古北口庚子

上奉

皇太后迴暢春園

五十七年四月辛卯

上啟蹕巡幸塞外壬寅出古北口五月乙酉朔至熱河行

宮八月戊子

上自熱河

啟鑿行圍九月丁丑

迴駐張三營

賜來朝科爾沁都爾伯特喀喇沁翁牛特巴林土默特敖

漢奈曼扎魯特阿魯科爾沁烏珠穆沁阿巴噶阿
巴哈納爾蘓尼特烏刺特喀爾喀厄魯特諸王貝
勒貝子公台吉等銀幣鞍馬及隨圍蒙古官兵銀
布有差壬午

迴駐熱河行宮甲午

上自熱河

迴鑾己亥入古北口甲子

上迴暢春園

五十八年四月癸丑

上啟蹕巡幸塞外辛酉出古北口丁卯至熱河行宮八月

庚戌

上自熱河

啟鑾行圍已未

駐蹕土城

諭御前侍衛等曰朕於騎射哨鹿行獵等事皆自幼學習
稍有未合式處侍衛阿舒然爾根即直奏無隱朕于諸

事諳練者皆阿舒默爾根之功迄今猶念其誠實忠直未嘗忘朕自幼至今凡用鳥鎗弓矢獲虎一百三十五熊二十豹二十五狴獠十麋鹿十四狼九十六野豬一百三十二哨獲之鹿凡數百其餘圍場內隨便射獲諸獸不勝記矣朕曾於一日內射兔三百一十八若庸常人畢世亦不能及此一日之數也朕所以屢諭爾等者以爾等年少宜加勤學凡事未有學而不能者朕亦不過由學而能豈生而能者乎九月乙亥

駐蹕愛勒色欽

賜來朝科爾沁郭爾羅斯喀喇沁翁牛特巴林土默特教
漢扎魯特阿魯科爾沁克什克騰烏珠穆沁浩齊
特阿巴噶烏喇特鄂爾多斯喀爾喀諸王貝勒貝
子公台吉等銀幣鞍馬及隨圍蒙古官兵銀布有
差癸未

迴駐熱河行宮甲午

上自熱河

迴鑾已亥入古北口丁未

上迴宮

五十九年四月戊申

上啟蹕巡幸塞外丁巳出古北口壬戌至熱河行宮癸亥
上以京師奏報得雨口外雨未霑足仍傳

諭禮部祈雨八月戊戌

上自熱河

啟鑾行圍九月丙子

迴駐博羅河屯

賜來朝科爾沁喀喇沁翁牛特巴林土默特教漢阿魯科

爾沁阿巴噶阿巴哈納爾喀爾喀諸王貝勒貝子

公台吉等銀幣鞍馬及隨圍蒙古官兵銀布有差

戊寅

迴駐熱河行宮戊子翁牛特喀喇沁土默特等奏所屬旗

分歲歉請借支倉米以賑從之庚寅

上自熱河

迴鑾十月丁酉入古北口癸卯

上迴暢春園

六十年四月丙午

上啟蹕巡幸塞外壬子出古北口戊午至熱河行宮七月

己酉

上自熱河

啟鑾行圍八月戊子

迴駐博羅河屯

賜來朝科爾沁郭爾羅斯喀喇沁翁牛特土默特敖漢阿
魯科爾沁浩齊特阿巴噶阿巴哈納爾四子部落
鄂爾多斯喀爾喀厄魯特諸王貝勒貝子公台吉
等銀幣鞍馬及隨圍蒙古官兵銀布有差九月辛
卯

迴駐熱河行宮癸卯

上自熱河

迴鑾庚戌入古北口乙卯

上迴暢春園

六十一年四月丁卯

上啟蹕巡幸塞外甲戌出古北口辛巳至熱河行宮八月

丙辰

上自熱河

啟鑾行圍己卯

駐蹕汗特穆爾達巴罕昂阿

賜來朝科爾沁都爾伯特喀喇沁翁牛特巴林土默特教

漢奈曼扎魯特烏珠穆沁阿巴噶蘊尼特喀爾喀
諸王貝勒貝子公台吉等銀幣鞍馬及隨圍蒙古
官兵銀布有差九月甲申

迴駐熱河行宮戊戌

上自熱河

迴鑾乙巳入古北口庚戌

上迴暢春園

欽定熱河志卷十四

欽定四庫全書

史部

欽定熱河志卷十五

十六

詳校官編修_臣曹城

檢討_臣德生覆勘

總校官舉人_臣章惟桓

校對官編修_臣勵守謙

謄錄監生_臣曹洪梁

欽定四庫全書

欽定熱河志卷十五

巡典三

御製詩

辛酉

三秋時序萬寶告成命駕出口巡狩遵

祖制也經過州縣百姓扶老携幼歡呼爽路閭閻之間戶

有蓋藏場多稌穗深愜朕志爰下詔蠲免田租以

示嘉惠元元之意

金史卷之八十二
卷十五
武備由來重時巡意更深當秋排法駕預日足甘霖旭
耀旌旗影風傳鼓角音停鑿問農事獻曝見民心戶有
倉箱積人多樂豫吟輿惜猶似昔

祖德到於今解澤心無吝紹

庭志倍欽茲行當黽勉詎一為從禽

至博羅河屯四十八旗諸蒙古王等來接

天恩歌有歲

祖澤賴無窮巡狩三秋日趨承萬里風歡聲毳帳合佳氣

慢城通來享同遐邇咸賓混外中誠輸陳厥篚燕賜詠
敦弓永念覃敷慶懷柔倍惕衷

賜蒙古諸王公等宴

屏藩伊古重遐邇迄今同巡狩邊關外趨陪禮法中恩
胥叨列土親不異分桐三爵應須遍舟行實可崇詩猶
歌湛露騷豈擅雄風永念協和治乾乾倍省躬

迴鑿

盤遊有度慎三驅翠嶺蒼崖輦路紆指日榆關迴蹕處

重看秋隴綠添蘇

入古北口

羽蓋駸駸度玉關
三秋巡狩薄言還
愛看綠麥鋪平甸
漫憶黃羊遍塞山

出塞雜詠用上平聲韻

雕輿繡羽颯金風
曉發都城旭影紅
十部簫韶翻似海
三千車騎氣如虹

邊關峯色翠芙蓉
萬古隄防笑祖龍
守德由來勝守險

金湯禮義是提封

靜夜離宮月在牕
獨裁章奏炮金缸
鴈鳴遠浦傳霜信
人過孤村引吠厖

塞上峯巒萬景奇
笳聲傍晚譜涼伊
玉臺疊進琉璃酒
羶屋周懸虎豹皮

極北山高近紫微
片雲常作雪霏霏
黃羊白鹿鋪平野
好試今秋第一圍

龍沙八月似冬初
獻賦長楊滿屬車
竅愛楓林新似染

折來題句手親書

警蹕何勞健騎趨
會同中外豈伊殊
玉庭圍合春風滿
幔屋筵開湛露濡

漫道陳倉獲碧雞
天狼一色萬頭齊
蒲萄釀酒燕支色
不數江南數北鞮

鐵騎番兒鴈字排
霜鋒掌樣淨磨揩
新豐空有如澗酒
辜負當年白鼻騮

日射高峯紫霧開
驂驂羽騎蔽山來
鸞旗影颯雲林外

清蹀聲聲北狩迴

平明雨洗屬車塵
蹀躞稱意馴濯濯烟鬟看黛重
萋萋麥壠愛青新

塞上山高截片雲
常看晴雨半峰分
三千色日熊羆士
十二天閑驥駉羣

青兕黃牛滿澤原
欣看天餉助歸轅
戍兒夜半吹羌笛
此日春風度玉門

當年勝事紀呼韓
從獵爭如各部攢
羊酪馬飼都獻贖

旋收歸轡別興安

時巡詎止閩邊闕喜見年豐一解顏
搖颺翠華佳氣滿
都中爭道六龍還

乾隆六年七月戊子

上奉

皇太后啟蹕巡幸塞外已丑奉

諭旨朕初次行圍所有經過州縣前經屢降諭旨不令
絲毫擾累但安營除道未免有資民力著將該地方

本年應徵額賦酌量蠲免統計十分之三以昭朕體
恤閭閻之至意壬辰出古北口八月乙未

駐蹕喀喇河屯丁酉

上以邊糈緊要時值米價平減

特命發帑購買貯熱河古北口等處以裕軍儲戊戌

上行圖未蘭奉

皇太后自喀喇河屯啓行己亥

駐蹕博羅河屯蒙古諸王公等恭迎

聖駕乙巳

上萬壽聖節詣

皇太后行殿行禮

御行殿扈從王公文武大臣官員及蒙古王公台吉等

行慶賀禮

賜王公大臣蒙古王公台吉等宴

駐蹕準烏拉岱九月乙丑

駕迴至熱河行宮庚午

上奉

皇太后自熱河迴鑿辛未重陽節

上奉

皇太后於喀喇河屯行宮逍遙樓登高乙亥入古北口壬

午

上奉

皇太后迴圓明園

御製詩

癸亥

七月初八日因往盛京叩謁

祖陵恭奉

皇太后始發圓明園作

虞采綬旌次第排金風湊爽滿天佳王途于邁高秋淨
帳殿承

歡愛日諧望裏闕東多王氣行經塞北暢清懷絲絲寶穡
秋成近觸撥吾悰詎有涯

出口

山自穹窿水自潺
扼吭朔塞此雄關
當年萬里朱殷地
巡狩三秋數往還

至博羅河屯蒙古四十八旗諸王公等來迎

時巡經葆塞肆覲集遊藩

莊子願遊其藩此言遊牧之藩也

願入千牛

衛欣看萬馬屯充庭誠納悃錫宴許歡言念此

詒謀遠長懷

列祖恩

賜蒙古諸王公等宴

穹窿幔屋塞烟浮賓客從容禮法脩魚麗徵詩欣既醉
兕觥開宴詠其觥却教此日懷維翰不比當年畏脫甌
告我後人勤繼續

祖宗德澤敢忘不

樂奏名王起進觴晶陽高映赭帷黃酪酥為酒當秋得
牛馬輸并以谷量三爵尚賢奚側弁四侯觀德鄙穿楊
列朝政教周寰海況是宗姻受澤長

八年七月戊子

上奉

皇太后啓蹕詣

盛京恭謁

三陵取道熱河奉

諭旨朕奉

皇太后前往盛京恭謁

祖陵經過州縣不令絲毫擾累但安營除道未免有資民
力朕心軫念著直隸總督高斌奉天府尹霍備查明

各該地方本年錢糧應徵數目請旨蠲免以昭朕體
恤閭閻之至意壬辰出古北口癸巳

駐蹕常山峪

賜密雲縣脩橋官員人等飯食銀幣有差乙未至熱河
行宮巳亥

上行圍木蘭奉

皇太后自熱河啓行庚子

駐蹕博羅河屯蒙古諸王公等恭迎

聖駕丁未

上奉

皇太后自木蘭啓行由諸蒙古地方恭詣

盛京

駐蹕庫哩葉圖塔拉教漢郡王等恭進

御宴庚戌

駐蹕哈達和碩特貝子等恭進

御宴八月壬子

駐蹕必䟽台蒙古諸王公等恭進

御宴辛酉

駐蹕齊爾伯庫癸亥

上萬壽聖節詣

皇太后行殿行禮

御行殿扈從王公文武大臣官員及蒙古王公台吉等

行慶賀禮

賜王公大臣蒙古王公台吉等宴乙丑中秋節

上詣

皇太后行殿侍膳

駐蹕烏塔圖科爾沁親王等恭進

御宴

副後九月癸卯 駕至盛京十月
辛亥日 盛京迴鑾乙丑入山海關

十月甲戌

上奉

皇太后旬

盛京迴宮

御製詩

乙丑

出古北口

樓山駕海帶秦遼拓抱中原迴近霄此日無煩誇地險
當年見說控天驕金甌詎恃一九固玉燭恒慚六幕調
來往巡農兼閱武萬年家法仰

神堯

車駕至博羅河屯肆覲四十八旗並喀爾喀青海
諸蒙古得詩八韻

爽籟揚華旂前驅駐外郵迺田依古重肆覲以時修

文母慈暉奉

仁皇家法留日中張羽蓋道左迺羶裘久矣皆歸化于焉
盡仰流詎予恩有逮嘉爾職誠酬扈從馳千旅逶迤擁
六蚪來同思

祖澤長此最懷柔

賜蒙古王公等宴

異域為天府來賓屆月氏

是歲青海諸王公并來

繡郊千帳合駐

野六龍齊坂卉蒸霞爛山雲傍澗低地高隣北極恩下

逮東靚錫宴晴暉皜徵詩湛露淒娛觀陳角觝獻技習

駒踉

月令注拘繫騰躍之駒防踉齧蒙古則執駒以施鞍轡令幼童騎之任其踉蹌然後駒得馴而成良

馬常獻此戲以助宴樂之觀俗所云騎打斫者也

三爵斯頌矣千秋胥樂兮貽

謀懷

祖德

天若敬常稽

十年七月壬辰

上奉

皇太后啓 踴巡幸塞外奉

諭旨 乾隆八年朕恭謁

祖陵經過之州縣蠲免錢糧十分之三今年直隸地方間
有雨澤未能霑足之處前已降旨緩徵此次出口行
園所有經過地方不令絲毫擾累但安營除道未免
有資民力著將近京一帶及宣府等處車駕經由之
州縣本年應徵額賦蠲十分之四並宣諭官民等知
之又奉

諭旨朕向來巡幸所過地方派員嚴查隨從官兵人等
不許蹂踐農田滋擾百姓此次啓行之時正值秋成
在望禾稼尚未登場誠恐約束不嚴以致踐踏禾黍
有妨農務著都統護軍統領多派官兵沿途察看嚴
加鈐轄其隨從官員兵丁亦令將家人跟役自行管
束如有不遵禁令傷及田禾者即行查叅已未出古

北口

上以熱河米價未平

命撥二溝地方米數千石運往平糶戊戌至熱河行宮

八月癸卯

上行圍木蘭奉

皇太后自熱河啓行甲辰

駐蹕博羅河屯蒙古諸王公等恭迎

聖駕乙巳

駐蹕張三營

命以密雲古北口運到漕米及喀喇河屯廳四旗廳倉

乘酌撥平糶兵民貧無力者借給己酉

駐蹕準烏拉岱

賜蒙古王公台吉等宴庚戌行圍殪虎辛亥

駐蹕都木達烏拉岱

賜蒙古王公台吉等宴壬子

上萬壽聖節詣

皇太后行殿行禮

御行殿扈從王公文武大臣官員及蒙古王公台吉等

行慶賀禮

賜王公大臣蒙古王公台吉等宴甲寅

駐蹕巴顏溝乙卯

賜扈從王公大臣蒙古王公台吉等宴乙丑

駕自庫爾齊勒巡幸多倫諾爾九月壬午入張家口甲

午

上奉

皇太后迴圓明園

御製詩 丁卯

秋日恭奉

皇太后巡行塞外曉發圓明園即景成什

拂曙行旌發金天
湊好晴有風皆遞爽
無露不晞明野
水溪邊退塞山
馬上迎

大安欣奉處觸目慶西成

塞堞倚層巒遙遙雲際看
整鞚塵淨路策馬潦收灘
纓犬思馳足韝鷹欲奮翰
時巡古有制詎是重遊盤

三時勤望歲歷覽夙憂舒黃已禾堆圃青還菜繞廬花
邊蜨引轡樹底鳥窺閭得句催賡韻鄒枚在屬車
長空莽霽烟柳外聽鳴鞭秋色真佳矣農功庶慰焉風
清人意適川濶騎行連閱塞兼修武

仁皇丕烈傳

出古北口

繆尋遺蹟問燕秦埤垵棲荆雉堞堙不信匈奴號驕子
端知羸政是癡人懋遷已見閭閻富勤樸還蘄俗尚淳

百歲熙和經外戶黔黎欣奉屬車塵

賜宴諸外藩

豹尾龍旌駐塞陞穹窿帷幕慶雲披底將外視稱甌脫
即看來賓逮月支千禩永遵清制度中朝間去聲用漢威儀
桐官三爵何須限正是秋高湛露時

中秋日侍

皇太后宴

野曠高秋淨天空素月光漢懸蟾閣影風送桂輪香露

宇宵方永帷宮夕未涼南山應有約隔歲一

稱

觴

塞外行園問歲舉行
率值中秋節令云

木蘭迴園駐蹕避暑山莊

山容紫翠劇增憐迎面西風大獮旋別館重來纔隔月
六驄此去動經年荷如憶夏泛新豔樹不言涼以意傳
迴首翔雲稠疊處射鴻應在那層邊

秋深潦水盡寒塘鳧雁乘波下幾行翠管誰教翻楚曲
疏眉雅解易唐粧楓排列嶂欺霜綠菊先重陽冒雨黃

即景試吟親切句每因代謝悟真常

重九日侍

皇太后宴

樹杪雲標地鴻賓鹿侶天巖齊臨繡野村景蕩朝烟節
以題糕設盃因獻

壽傳山靈應忭喜重見菊花筵

進古北口

鳴梢旋度玉關雄秋老林巖颯颯風回首龍庭程已杳

前瞻畿甸氣方葱
屏藩北界金湯壯
來往南朝玉帛通
樓櫓堞垣須整飭
由來設險重王公

侵晨策馬尚行霜
關內暄妍迥異常
似寄丹楓塞以外
便逢綠柳嶺之陽
題糕數日繞過節
納稼千村已滌場
何幸今年如舊歲
長官須計有餘藏

十二年七月戊申

上奉

皇太后啟蹕巡幸塞外
辛亥出古北口
乙卯至熱河行宮

戊午

賜蒙古王公等宴八月庚申

御無暑清涼

賜扈從王公大臣等宴辛酉

上行圍水蘭奉

皇太后自熱河啟行壬戌

駐蹕博羅河屯蒙古諸王公等恭迎

聖駕戊辰

駐蹕準烏拉岱

賜蒙古王公台吉等宴辛未

上萬壽聖節詣

皇太后行殿行禮

御行殿扈從王公文武大臣官員及蒙古王公台吉等

行慶賀禮

賜王公大臣蒙古王公台吉等宴

駐蹕布爾哈蘓台癸酉中秋節

上詣

皇太后行殿侍膳

賜扈從王公大臣蒙古王公台吉等宴

駐蹕巴顏溝九月戊子朔

駐蹕白虎溝

降旨蠲免所過地方額賦十分之三庚寅

駐蹕博羅河屯

賜蒙古王公台吉等宴壬辰迴熱河行宮丙申重陽節

上奉

皇太后幸鍾峰落照登高侍膳

賜扈從王公大臣等宴丁酉奉

皇太后自熱河迴鑿辛丑入古北口丙午奉

皇太后迴宮

御製詩已巳

塞上行圍奉

皇太后啟駕載覽西成有象即景秋曉成吟

七襄雲物九秋清

是日夕節

正值朝來湊快晴
頻歲巡遊奉

慈輦乘時蒐狩發行旌
千畦香撲黃雲徧
列嶂屏拖碧靄

橫邀得

壽康賜言笑勝常年
看好西成

駐蹕避暑山莊因成近體六韻

較獵臨藩塞行秋
駐御莊軒庭懸

聖日巖壑蔚

龍光思示諸兒法

臨御以來是歲始
携諸皇子扈從

欣承

文母慶沿途看寶穡勝地息雲驥五字吟新句千言詠舊

章

舊作山莊百韻
詩書於壁間

觸緣皆可樂何事轉神傷

延薰山館召太學士傅恒史貽直及內翰侍御諸

臣賜膳賦詩輒成首倡

雨後晨清霽景開山莊相共賞靈臺智仁樂在山兮水
廣詠才看鄒與枚巖下仙泉鳴

舜樂庭間溫樹識

堯培

舊時侍從今元老鳩杖中朝未扈來

如大學士張廷玉未保今皆以年高在朝

辦理政務不
能寫來此矣

蒙古王公等進宴因賦六韻

玉磧開嘉宴穹廬覆慶雲
翰誠因素切獻曝亦堪欣

上壽尊

王母傾心奉大君
酪酥為湛露
鞞特作香芹
勇鬪撲跋戲
雄看詐馬羣
懷柔仰

祖烈巡狩勉時勤

萬壽節賜宴王公藩王及廷臣因成近體

晴光蕩漾瑞烟浮介壽龍堆勝十洲白雪調歌白雪塞

預日
微雪

鹿鳴詩賦鹿鳴秋侍臣羣獻南山頌嘉客來添海

屋籌我有斂時深祝願

慈寧福履永悠悠

中秋日侍

皇太后宴

中秋節自好上塞景尤清咫尺廣寒界依微仙樂聲雪

開千嶂秀風助一天晴邀得

慈顏喜山靈與去聲有榮

翠几堆花餅鮮盤侑野麋千秋竄圓夜五字又成
時北斗懸金幕南山獻桂卮吳剛修不到輪外
一枝枝

賜宴蒙古王公及行圍諸軍校因遣各歸部
落

秋郊罷合圍六轡駐駢令日開佳宴康衢敬御帟輸

誠悅藩翰布澤錫恩輝千二百軍校驅馳聽指揮遍教
霑湛露同得被陽暉執役令時切和親歲幣非謹詳權
弛禁犒勞底從威懷肉無嘲朔

蒙古人受賜所食餘肉
率懷之歸且以為敬云

輓輻滿載歸

九月朔日行圍迴蹕駐避暑山莊之作

秋猶言歸自木蘭山莊容與憩征鞍飽觀豐稔情堪快
暫豫心神樂豈盤泉界綠雲供鹿飲山留紅葉
待人看前年已設登高約

將於此登高
然後迴鑿

早見孤亭聳

翠巒

重臨雲館坐明窗真覺流陰逝水從塞上山容雖獨出
園中秋景實無雙檜松晚翠擎蒼嶽鳧鴈間心樂碧江
每到謁然頻憶舊塵根底事未全降

山莊駐蹕勝日開筵恰迴秋獮之鑿兼值年豐之
慶雖順時而行樂憶去歲而難忘詩以述志爰賦
五言

十日駐山莊三秋逢有年行園既訓士懷遠已巡邊此

馮乃少總繩

武增惕乾況復近菊節正可列饔筵稱觴獻

慈壽嘉會集羣賢念茲亮工侶胥任籌治權勞逸共心膂
憂樂思後先去歲事滋紛回首豈忘旃際和斯惟幸
持盈當益虔

重陽日侍

皇太后登高攬勝之作

遙峯近嶺罨烟光高處瓊樓了不涼為要重陽酬令節

暫教十日駐山莊
絲絲結佩仙萸紫

玉座稱觴壽菊黃
稍異宮中行樂處
稔秋俯眺過倉箱

入古北口

人工真可奪天工
界限風光迥不同
今日入關逢綠柳
前朝背樹憶丹楓
黍稷是處欣都稔
睥睨當年勢尚雄
地脉千秋自無恙
陡懷壯士對西風

十四年七月癸丑

上奉

皇太后啓蹕巡幸塞外

降旨蠲免所過地方賦額十分之三丙午出古北口

庚申至熱河行宮壬戌

賜扈從王公大臣等宴甲子

御延薰山館

賜扈從大學士內廷諸臣宴丁卯

上行圓木蘭奉

皇太后自熱河啓行戊辰

駐蹕博羅河屯蒙古諸王公等恭迎

聖駕己巳

駐蹕張三營

賜蒙古王公台吉等宴辛未行圍殪熊

駐蹕雲特穆爾昂阿八月庚辰

駐蹕巴顏溝蒙古諸王公等恭進

御宴壬午行圍殪虎

駐蹕色埒昂阿戊子

駐蹕巴顏溝

上詣

皇太后行殿侍膳

賜扈從王公大臣蒙古王公台吉等宴己丑

上萬壽聖節詣

皇太后行殿行禮

御行殿扈從王公文武大臣官員及蒙古王公台吉等行慶

賀禮

賜王公大臣蒙古王公台吉等宴辛卯中秋節

上詣

皇太后行殿侍膳

賜扈從王公大臣蒙古王公台吉等宴行圍殪虎

駐蹕都呼岱辛丑行圍殪虎

駐蹕烏蘭哈達癸卯

駐蹕張三營

賜扈從王公大臣蒙古王公台吉並隨圍兵丁等飯

九月丙午朔迴熱河行宮丁未

賜扈從王公大臣蒙古王公等宴庚戌

賜扈從大學士內廷諸臣宴甲寅重陽節

上奉

皇太后幸錕峯落照登高侍膳

賜扈從王公大臣蒙古王公等宴乙卯

上奉

皇太后自熱河迴鑿戊午入古北口庚午

上奉

皇太后迴宮

御製詩 辛未

奉

皇太后出口行圍撰吉起程即事十韻

習武兼觀俗遵循

家法常

鴻規思續紹

鶴算喜康疆隔歲巡邊徼乘時選獵場所期綏內外即以靖封疆啟蹕撰良日橫鞭趁曉涼都人傳燕喜衛卒逞鷹揚列嶂接藍近千畦環秀長朗懸晴靄碧香擁午雲黃隨駐行秋輦行臨避暑莊

卷阿留勝蹟泉石待徜徉

駐蹕避暑山莊詩成近體

仙館金巖益葆旂行秋駐輦恰相宜會心即境真雙美得意微吟又一時繞

膝常欣承色笑

含飴每切意思私邊關內外西城近有喜吾民許共知

山莊啟程之作

兩日山莊駐清蹕三秋塞獮發行旌灑塵細已霏涼雨
送爽輕剛直快晴背眄渝關千嶂疊徑穿澗水一橋橫
詎惟習武勤邊計欲答賢王愛戴誠

蒙古王公例於波羅河屯晉接即事得句

塞上秋蒐又隔年碧空爽氣正澄鮮仰流左谷右賢後

就日車塵馬足前望去圍場欣咫尺携來獵卒列盈千
一家中外非容易馭遠

鴻猷勉繼旃

宴蒙古諸部落即席得句

四野天垂連大漠三秋日朗徹穹廬藉茲牲酒聊歡
衆詎是思膏漫頌予立馬看餘詐馬繼左賢賜已右賢
如不拘禮數敦誠意嘉爾風猶似古初

木蘭迴蹕駐避暑山莊即景成什

山莊秋半饒清致六轡言旋自木蘭祗以行時修武備肯
教耽獵久遊盤雲如避去拖綃白楓似隨來嵌壁丹

新月過弦澄碧落要留此對玉輪圓

將於山莊度
中秋節故云

十六年七月壬申

上奉

皇太后啟蹕巡幸塞外癸酉

降旨蠲免所過地方額賦十分之三其夏月被雹成災
者蠲免十分之五乙亥出古北口戊寅至熱河行

宮庚辰

上行圍木蘭奉

皇太后自熱河啟行辛巳

駐蹕博羅河屯蒙古諸王公等恭迎

聖駕

每年

羅河屯迎

皇上秋獮木蘭蒙古諸王公等皆於博

駕如

駐蹕山莊時恭遇

萬壽聖節則蒙古諸王公等即於喀喇河屯迎

駕處以爲例

壬午

駐蹕張三營

賜蒙古王公台吉等宴丁亥

駐蹕奇木魯成昂阿蒙古諸王公等恭進

御宴八月甲午朔

駐蹕烏蘭哈達

賜扈從王公大臣蒙古王公台吉等宴辛丑

駐蹕博羅河屯

賜蒙古王公台吉等宴祭郊迴熱河行宮乙巳

御如意洲

賜扈從王公大學等宴丙午

上萬壽聖節詣

皇太后行宮行禮

御澹泊敬誠殿扈從王公文武大臣官員等行慶賀禮

上奉

皇太后於卷阿勝境侍膳

賜王公大臣等宴凡三日己酉

上奉

皇太后自熱河迴鑿壬子入古北口丁巳

上奉

皇太后迴圓明園

御製詩

壬申

塞上秋蒐奉

皇太后自圓明園啟蹕六韻

玉塞行時獮金旌發曉秋詎緣循往例實用纘

先猷蹕指山莊駐章馳驛路郵宵衣無內外歲事竊咨諏
慈履欣康健民歌協豫遊鞞鞭成五字記里又從頭

賜蒙古王公等宴

青海何曾阻玉關
清秋來覲忘途艱

蒙古四十九旗以
及喀爾喀青海有

未出痘者多因塞上行圍來謁今歲于
山莊度萬壽節故畢集是地俟行禮

可無三接酬誠

素況復萬幾當務閒未習朝儀瞻北闕
許隨典屬祝南山嘉賓旨酒同和樂

仁祖懷柔想像間

山莊啟蹕木蘭行圍之作

山莊行慶攬衢歌寶月團圓節並過蒐狩九秋應在即

棲遲廿日覺無何輕嵐別岫雲封戶細雨遙源水漲波
更有予心欣慰處石田仍獲勝常禾

宴蒙古諸王公

瑞雲鄉擁拂廬穹詐馬筵陳許貢秉典屬威儀五等列
本朝恩數一家同屏藩各守無踰志敦樸羣欣有古風
咨爾嘉賓思乃業自綿帶礪福無窮

木蘭迴蹕駐避暑山莊之作

瀟灑山莊懋轡宜塞菟小別未逾時風前落葉蕭蕭

下霜後飛泉漱漱垂湘筆每因幾暇點芸帷還趁午暄
披山靈為我重渲染萬嶂丹青態越奇

從容偏愛一窻暉菊有黃花暎座翻收拾雲山還澹泊
啟資思慮入精微鹿聲招侶臨高叫鴈羽知寒背北飛
打疊行滕詩就帙好因攸吉駕言歸

入古北口

曲折盤塞山長城遙在目昨記古長城傳名自我獨

今秋

大業行圖志所謂
長城者為之作說

古地險本邱陵詎事遠春築徒資後

人議那勝前人躅蒐行返翠華深秋轉暄淑納稼圃積
黃連村樹餘綠未盡熙老幼豈免勞臣僕入闕誦古語
情愔式金玉

十七年七月丁丑

上奉

皇太后啟蹕巡幸塞外已卯

降旨蠲免所過地方額賦十分之三庚辰出古北口

命賞

盛京吉林黑龍江學習隨園人員級足其兵丁各賞一月
錢糧癸未至熱河行宮八月甲午

御如意洲

賜扈從王公大臣等宴戊戌

御萬樹園

賜扈從王公大臣蒙古王公台吉等宴庚子

御如意洲復

賜扈從王公大臣蒙古王公台吉等宴辛丑

上萬壽聖節詣

皇太后行宮行禮

御澹泊敬誠殿扈從王公文武大臣官員及蒙古王公台

吉等行慶賀禮

上奉

皇太后於卷阿勝境侍膳

賜王公大臣蒙古王公台吉等宴甲辰

上行園木蘭奉

皇太后自熱河起行壬子

駐蹕準烏拉岱蒙古王公等恭進

御宴丙辰

駐蹕默爾根烏里雅蘇台

上奉

皇太后閱馬戲九月辛酉

駐蹕布祜圖

賜扈從王公大臣蒙古王公台吉等宴丙寅重陽節

上詣

皇太后行殿侍膳

賜扈從王公大臣蒙古王公台吉等宴

駐蹕阿貴圖庚午迴熱河行宮癸酉

上奉

皇太后自熱河迴鑿丙子入古北口己卯

上奉

皇太后迴圓明園

御製詩

卷四

秋蒐木蘭啟蹕之作

秋是較蒐天平明啟翠旂

東朝常奉豫武烈每繩

先背歛西山霧遙澄北嶺煙沿途看寶穉輿會益軒然

駐蹕避暑山莊作

山館延緣駐翠旌每來偏值素秋清宜人山色看無厭
入畫溪聲聽有情間染丹楓出綠樹全教蛩語代蟬鳴今

年鹿信虞遲却兩日權停便擬行

山莊啟蹕之作

較獵乘時正涼秋巖闌爽氣拂旌旂晴開塞園千峰近
雨挽山莊一日留野水拍橋沙漲落晚禾積圃石田收無
遺地力繁生齒為此欣然為此憂

木蘭迴蹕駐避暑山莊作

木蘭秋猶薄言旋山館重教此憇延菊有黃華幽傍砌
桂餘金粟馥噴筵隔林麋哨聲遲鹿

鹿哨早而麋哨遲
山莊內所有皆麋

木蘭
乃花寫棟雲飛影亂煙往返停留頻屬詠箋揮壁勒自

年年

無幾何時往返周山容紫翠闌深秋風吹落葉如聞雨
潦盡寒潭遠見洲點綴閒雲晴晦幻依遲別館性情投
去時忽遽鳴征轡攬結今應數日留

十八年八月戊戌

上奉

皇太后啟瑛巡幸塞外已亥

降旨蠲免所過地方額賦十分之三辛丑出古北口甲辰至熱河行宮丁未

上行圍水蘭奉

皇太后自熱河啟行九月癸丑朔

駐蹕穆壘喀喇沁昂阿

賜蒙古王公台吉等宴辛酉重陽節

上詣

皇太后行殿侍膳

賜扈從王公大臣蒙古王公台吉等宴是日

駐蹕巴顏溝祭酉迴熱河行宮甲戌

御如意洲

賜扈從王公大臣等宴丁丑復

賜扈從王公大臣等宴庚辰

上奉

皇太后自熱河迴鑾十月祭未入古北口丙戌

上奉

皇太后迴圓明園

欽定四庫全書

卷十五

欽定熱河志卷十五